



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

**UPA 2026/61-ip suliarineqarneranut atatillugu ataatsimiititaliap
Naalakkersuisunut allakkatigut apeqqutaanut akissuteqaat**

08-05-2026
Suliap nr. 2026 - 5591
Akt nr. 26488307

Postboks 1029
3900 Nuuk
Oqa.: +299 34 50 00
Email: ikin@nanoq.gl
www.nanoq.gl

Asasakka Kultureqarnermut, Ilinniartitaanermut, Ilisimatusarnermut
Ilageeqarnermullu Ataatsimiititaliamut ilaasortat

Ilisimatusarfimmi illutat allilerneqarnissaat pillugu Inatsisartut aalajangiiffigisassaattut siunnersuummut UPA 2026/61-imut apeqqutinut 8. maj 2026-mi Naalakkersuisunit tiguneqartunut qujassuteqarpunga. Saaffiginnissutip kalaallisuaa 4. maj 2026-mik ullulerneqarsimasoq qallunaatuaa 30. april 2026-mik ullulerneqarsimavoq.

Ataatsimiititaliap apeqqutaasa ataanni akissutikka atuarneqarsinnaapput.

Apeqqut 1: *Ukiuni tulliuttuni 20-ni Ilisimatusarfimmi 20 %-imik amerlariaateqartoqarsinnaanera tamatumalu malitsigisaanik ilinniartut amerlassusai 900 tikillugit amerlassuseqalersinnaaneri ilinniartitsisullu 180-inngorsinnaaneri qanoq paasineqarsimanersut Naalakkersuisunit ilisimatitsissutigineqarsinnaava?*

Akissut: Ilisimatusarfiup nammineerluni naatsorsuinerinit kisitsisit pinngorfeqarput. Ilinniartut ukiuni 20-ni aggersuni qaffasinnerusumik ilinniakkamik naammassinnittartut 38 %-inik (124-nit 171-inut) piffissami 2014-imiit 2024-mut amerleriarsimanerat tunngavingalugu, ilinniartut amerlassutsimikkut qaffariaateqarsinnaanerannut tunngavissaqartoq Naalakkersuisut isumaqarput. Inunngortartut ukiuni 30-ni kingullerni ikiliartornerannik peqquteqartumik meeqqat atuarfiannit, ilinniarnertuunngorniarnernit aamma inuussutissarsiutinik ilinniartitsinernit naammassisartut ikiliartornerannik kinguneqaraluartoqapeqqutaatinnagu..

Apeqqut 1a: *Atorfissaqartitanik misissueqqissaarisooqarsimava?*

Akissut: Pisariaqartitsinermik misissueqqissaarnissamut apeqquutit apeqquut 1.b-mut atassuteqarsoralugu Naalakkersuisut paasivaat taamaattumillu tassani apeqquutit tamaasa akissuteqarfigissallugit.

Apeqquut 1b: Inuussutissarsiornermi aningaasaqarnermik ilisimatusarnerup, tusagassiornerup, inatsisilerinerup, inuiaat kulturiata oqaluttuarisaaneratalu, ilinniartitsisutut ilinniartitaanerup, nutserinerup oqaluttaanerullu, uumassusilerinerup, isumaginninnermut siunnersortitut ilinniartitaanerup, oqaasilerinerup, atuakkialerinerup tusagassiuutilerinerullu, peqqissaasunnigorniarnep teologinngorniarnep iluini piginnaasanik ukiuni tulluuttuni 20-ni suliffeqarnerup iluani pisariaqartitassanik misissueqqissaarisooqarsimava?

Akissut: Naalakkersuisut ilisimatitsisinnaapput ilinniakkannut ataasiakkaanut inuussutissarsiorfikkuutaartunilu ilinniarfinnut kiisalu atuartitsissutinut tunngatillugu Naalakkersuisut tungaanniit pisariaqartitanik misissueqqissaartoqarnikuunngitsoq. Inatsisit malillugit suliffeqarnermi pisariaqartitanik misissueqqissaarnerit Naalakkersuisut saqqummersittarpaat, tassanilu immikkoortut sorliit Naalakkersuisunit pingaarnersiorneqarnerisut ilaasarlutik.

Suliffeqarnerup iluani immikkoortut aalajangersimasut iluini pisariaqartitsineq pillugu misissueqqissaarnernik sulisitsisut (GE) sionratigut saqqummersitsisarnikummata naggataatigut Naalakkersuisut oqaatigissavaat

Apeqquut 2: Immikkoortup siullermeerneqarnerani ilinniartut ineqarfiinik pisariaqartitsisoqarnera erseqqissaatigineqarpoq, tassungalu ilanngullugu ilinniartut ineqarfiinut tunngatillugu unammilligassat Ilimmarfiup illutaata allilerneqarnissaanut atatillugu ilanngunneqartariaqarlutik. Naalakkersuisut tamatumunnga oqaaseqaatissaqarpat?

Akissut: Ilisimatusarfiup ilinniartussarsiorneranut sunniisinnaasumik ilinniartunut inissianut tunngatillugu unammilligassaqaarnera Naalakkersuisut miserratinngilaat. Tamanna naalakkersuisut eqqumaffigaat.

Inussiarnersumik



Nivi Olsen